

天鎮縣志卷之二

知縣張坊補輯

關隘

三關重鎮胥隸雲州天邑彈丸東接

神京西聯秦隴南通楚豫北界蒙古前朝地號極衝他如
新平馬市瓦窰白羊榆林諸口悉爲險要之區則防範
洵不可不密也志關隘

天鎮縣長城東自平遠口邊界起西北至樺門堡邊界止
沿長四十三里五分共墩臺七十三座隸馬市口汛轄

又自樺門堡頭墩邊界起西至鎮門堡二十一墩邊界止沿長三十三里六分共墩臺六十一座隸瓦窰口汛轄

明天城衛制暗窩梁墩東接牆頭墩天城界首西爲土關兒頭又西爲大小鹿角溝又西爲雙圪塔二墩又西爲雙濠又西爲紅沙岩垣內有西土地岩又西爲大小鹿角溝又西爲水頭北對高山墩又西爲黑圪塔垣內有得勝墩又西爲井溝梁又西爲大小梁岩北直水峪山又西爲王展溝又西爲歡喜梁犁兒坡南直福祿山又

西爲鴿子崖北直鄧草站又西爲小深岩又西爲大深
岩北直舊集寧城垣內少西南有瓦窖又西爲火燒溝
北直清涼寺又西爲南坡垣內有界牌前後墩又西爲
斧刃山又西爲伏路岩又西爲盤道梁又西爲雞窩梁
又西爲虎龍溝長城折而少南又西爲水磨口舊墩復
折而西南直鎮口堡又西爲水磨口新墩水磨口新舊
墩中有關關外自趙三溝起至石家梁止又有重牆暗
門自水磨口墩起至不懺溝墩長城外有塹又西爲鹿
角溝北直威寧海子又西爲輓磨口又西爲大節溝榆

有寧朔墩寧朔墩南有保平堡又西南爲折腰墩又西南爲長城墩又西南爲北乾水東墩長城復折而西又西爲乾水二墩北直陽河外舊集寧海又西爲北坡南有二卽山又西爲大水口又西爲鼠尾牆西有敵臺北直舊榆林縣又西爲雙溝兒三墩北直陽河源又西爲鴉崖北直小青山又西爲古路三墩南直枳兒嶺又西爲石門垣內有歡喜梁又西爲沙圪塔北直沙嶺又西爲琵琶嘴又西爲牆頭墩新平堡界止爲垣一十三里今隸新平路汛

新平堡在縣東北六十里大同府東北二百四十里東至直隸宣化府西陽河堡界牌二十里西至邊牆二里北至邊牆五里西南至瓦窰口堡石塘溝汛舖二十里東南爲平遠堡又東南爲平定堡西南爲保平堡又西南爲樺門堡在長城之外重城之內所謂城外五堡也明置新平路叅將一員中軍守備一員千總二員把總四員轄新平平定平遠保平樺門五堡並援兵營老家營共兵三千一百五十四名明新平路馬騾共三百九十一匹頭

保平堡在新平堡西南至縣六十里明分駐守備一員今裁

平遠堡至縣七十里離直隸西陽河堡界五里明設操守一員今裁

平定堡在平遠堡南至縣六十七里

長勝堡在縣北六十里明永樂元年築週五百六十丈壕深一丈門二乃天城衛哨馬營也楊博疏查天城衛壯夫武文等奏比照大同五堡事例除已成平定平遠二堡外再將舊棄長勝一堡募民填實每堡安夫三百名

撥官操守不動官糧等因已經查勘是四堡之外又收長勝堡也

馬市口堡在新平堡西北至縣六十三里西北俱接蒙古界雍正九年設千總一員兵一百名

南口在新平堡西南至縣六十里西北接蒙古界雍正九年設防兵十名

平遠口在新平堡東北至縣七十五里北接蒙古界東接直隸西陽河界雍正九年設防兵十名

張仲溝在縣東北二十五里長城繇迤西折迤西南又繇

迤西南折迤西第一溝徑

李兒溝在縣東北二十五里長城復折迤西第二溝徑

枳兒嶺堡在縣東三十里接直隸宣化府懷安縣驛路係兩縣交界處中立石限土分二色

永嘉堡在縣東北四十五里明嘉靖三十七年建萬歷十九年裏輒高三丈六尺週三里四分火路墩臺一座設操守一員兵五百名今裁歸併瓦窰口汛

瓦窰口堡在縣東北三十里東至直隸懷安縣界三十里西至邊牆八里北至邊牆十一里東北至新平堡三十

金縣志 卷之二
里明嘉靖二十五年設操守一員兵五百名二十七年
改欽依守備一員添設坐堡把總一員 國朝順治五
年復改操守裁去坐堡只存兵九十一名康熙元年改
爲把總五十七年改爲千總額設兵一百名

穽門堡在縣北四十里明設防守一員兵二百名今裁歸
併瓦窰口汛

鎮寧堡在縣北二十里分邊袤一十三里墩二十一座火
路墩一座內藏虎口白羊口驛極衝地明設操守一員
兵二百名今裁歸併瓦窰口汛

不恤大同也便大同接援而置宣府西陽河于境外是不恤宣府也若地狹宣府兵便大同是爲兩得乃修邊自水磨口而東北踰山至馬頭兒地又度溝而北至宣府鎮口臺邊戍屬之大同而以應援責之宣府著令曰居常戍不備罪大同有警而宣府西路不以兵至牆下應援者罪宣府議乃定 總督翁萬達議曰大同邊牆先議自開山口遵山南而東五十里至于水磨口又東八十一里至于宣府李信屯之北地名紅土臺一百三十一里有奇坦然皆平地也今議自開山口至水磨口

仍照舊擬自水磨口改從東北踰山崖六十里至平馬頭兒又趨平地渡溝而北一十里又東一十八里至于宣府西陽河界之鎮口臺共一百三十八里有奇則宣府西路西陽河既得藉一面之防省十里之力而李信屯以北常戍之地亦可掣免

米薪關堡在縣南二十里週三百二十丈壕深二丈門三方城堡在縣南七十里週二百四十丈壕深一丈門二上畔莊堡在縣西南二十里週一百九十丈高三丈壕深二丈

火燒嶺在縣西南一百十三里廣靈交界

夾石溝在縣南一百三十里廣靈交界

興和路齊天保六年發夫一百八十萬人築長城自幽州
北夏口至恒州九百餘里蹟在宣德興和西卽天成也
今舊榆林縣北有古長城遺跡宋景定三年十一月元
置隆興府治撫州割宣德之懷安天成屬之號興和路
按懷安縣晉置天成縣遼置新平尤近興和